

西昌喻嘉言先生著
太醫院黃杏村評點

寓意州注釋

陸淵雷題



武進謝利恆先生審定

寓 意 艸 注 釋



川沙陸淵雷校閱

武進徐衡之 主編
嘉定姚琴

海三民圖書公司印行



南京中医药大学图书馆版权所有

中華民國二十

十三年十一月初版

中華民國廿

五年四月再版

每本定價大洋六角

外埠酌加寄費

寓意艸注釋

此書有著作權翻印必究

編纂者

嘉定姚若琴
武進徐衡之

校閱者

川沙陸淵雷

發行者

吳拯寰

印刷者

三明印刷廠

總發行所

上海

海法租界呂班三民圖書公司
蒲柏坊四七號

分發行

處國內國外各埠各大書局

寓意草注釋例言

例

言

1

是書乃西昌喻嘉言先生所著。先生邃於醫。閒以得心之祕。發爲快心之論。於醫門法律尙論篇外。復成寓意草一書。辨證處方。匪刃而解。洵足壽世福民。開迪來學。惟旨趣奧妙。多隱而未發。以待後人研索者。余幼攻舉子業。兼紹家學。習岐黃家言。縱覽內經以來應世羣書之大旨。略判得失。繼取喻氏寓意草讀之。尤覺心境洞開。渙然若有所得。閒妄參淺註。積久成帙。非能有述者之明也。抑亦壁影螢光。聊抒所見云爾。

是書編成四卷。分門別類。次第井然。首列真陽上脫。并申治脫之法。以明人身陽氣貴藏而不貴露。爲醫家開手關鍵。辨別陰陽卑亢。差免誤表亡陽之弊。次列喜服熱藥。銷鑠真陰於內者。以明陰平陽祕。精神乃治之旨。爲用藥宜量人而施。庶免偏陂過亢之失。繼列治傷寒藥中宜用人參之法。以明輔

正祛邪。本經言毋盛盛毋虛虛之戒。觀集中人參敗毒散註驗。昭然若揭矣。續列治驗傷寒傳變危險。以及內傷諸症於後。或用寒遠熱。或用熱遠寒。或先攻後補。或先補後攻。以明醫不可以成法拘也。論次雖止百餘案。苟能觸類引伸之。不啻千百案羅列於前。領取不盡。是在善讀者潛心玩索之耳。

寓意草注釋序

序

醫以和元氣。燭性理。非通神明之德。達萬物之情者。弗克窮其學之廣大精微。而超然自悟於意言象數之表。長沙而下。代不乏人。吾鄉新建喻嘉言先生。發揮岐黃仲景諸書。著醫門法律。其後集曰寓意草。實能窮醫學之廣大精微。而超然自悟於意言象數者也。但其意深旨奧。辭精理博。令人採取不盡。吁南謝遜園先生。公心醫學。恐才疎者囿圖讀過。未能領略廣大精微。特註寓意草一書。固將喻氏所著之關鍵者。詳加小註於前。又附己所得心之處。按類申明於後。俾觀者一目瞭然。井井有徑可尋。不致再蹈囿圖讀過之弊。是遜園自能如喻氏領略廣大精微之蘊。而欲人人共領略廣大精微之蘊也。則夫遜園公心醫學爲何如哉。遜園儒醫世其家。尊大人及其祖公老前輩。以醫名世。活人無算。迨尊人著述益富。其得心集之著者。久已公

諸海內。而遯園得力於家學淵源者。益足徵矣。所以註是集。發前人深奧之旨。達前人包括之辭。誠可增醫門之慧悟。而爲後學之津梁。元莊誦再三。傾心折服。不揣鄙陋。爰贅數語於集首。

光緒丁丑仲夏既望。繡谷弟黃廷元杏村頓首拜撰。

寓意草注釋原叙

序

1

聞之醫者意也。一病當前。先以意爲運量。後乃經之以法。緯之以方。內經所謂微妙在意是也。醫孰無意。而淺深由是。柄鑿由是。徑庭由是。而病機之安危倚伏。莫不由是。意之凝釋。剖判荒茫。顧不危耶。大學誠意之功。在於格致。而其辨尤嚴於欺慊之兩途。蓋以殺機每隨於陰幽。而生機恆苞於粹白。莊周曰。天地之道。近在胸臆。萬一肺腑能語。升墮可憐。先儒人鬼關之辨精矣。昌謂醫中事之欺慊。卽衆人之人鬼關也。奈何世之業醫者。輒艷而稱儒。儒之謂讀無靈者。輒徙而言醫。究竟無主之衷。二三雜揉。醫與儒之門。兩無當也。求其拔類者。長沙一人而已。代有哲人。然比之仙釋。則寥寥易於指數。豈非以小道自隘。莫遡三氏淵源乎。夫人生驅光逐景。偶影同遊。欣慨交心。况於生死安危。忍懷僥倖。芸芸者物也。何以不格。昭昭者知也。何以不致。惟虛

惟無萌於太素者。意也。何以不誠。格一物卽致一知。尙恐逐物求知。乃終日
勘病。不知病爲何物。而欲望其意之隨舉隨當也。不亦難乎。昌於此道無他
長。但自少至老。耳目所及之病。無不靜氣微心。呼囑與會。始化我身爲病身。
負影隻立。而呻吟愁毒。怳忽而來。旣化我心爲病心。苟見其生。實欲其可。而
頭骨腦髓。捐之不惜。倘病多委折。治少精詳。蚤已內照。他病未痊。我身先瘁。
淵明所謂斯情無假。以故不能廣及。然求誠一念。多於生死輪上。寂寂披迴。
不知者謂昌乃從紙上得之。夫活法在人。豈紙上所能與耶。譬之兵法披機。
馬上且不能得。况於紙上妄說孫吳。但令此心勤密在先。冥靈之下。神挺自
穎。邇年先議病。後用藥。如射者引弓。預定中的之上下。其後不失。亦自可觀。
何必剗腸滌肺。乃稱奇特哉。不揣欲遍歷名封。大彰其志。不謂一身將老。世
態日紛。三年之久。不鳴一邑。幸值諫議德鹵臣胡老先生建言歸里。一切修
舉悉從。

朝廷起見。昌卽之一得微長。并蒙格外引契。忝定俚案之近理者。命名寓意草。捐貲付梓。其意欲使四方周覽之士。大破成局。同心愍痛。以登斯民於壽域而爲。

聖天子中興燮理之一助云。然則小試寓意。豈易易能哉。時崇禎癸未歲季冬月。西昌喻嘉言甫識。

喻嘉言先生

喻昌。字嘉言。江西南昌新建人。崇禎中。以選貢入都。卒無所就。遂專務於醫。往來靖安間。後又寓常熟。所至皆以醫術著名。與嘉定王東臬。婁東胡周鼎相友善。昌謂傷寒論乃劫火之餘。其篇目元復差錯。王叔和附以己意。編集成書。失仲景本意。林億成無已。亦因過信叔和。往往以叔和緯翼之詞。混編為仲景之書。惟方有執著傷寒條辨。削去叔和序例。大得尊經之旨。而不達立言之旨者尚多。昌遂重定是書。著尚論篇八卷。而傷寒論之編次。為之一變。昌又著醫門法律六卷。其分別疑似。既深明毫釐千里之謬。其抉摘瑕疵。併使苟且依違。遷延致變者。皆無所遁。其情狀亦可謂思患預防。深得利人之術者矣。

又寓意草一卷。皆其所治醫案。反復推論。務開明審證用藥之所以然。四庫提要謂其極有發明。足資開悟焉。

盱南謝甘澍。號遜園。其祖即以醫名世。甘澍父映廬先生。活人復無算。所著有得心集。至甘澍而醫三世矣。甘澍少習舉子業。既而棄去。一肆力於醫。尤致意於寓意草。謂西昌先生以得心之秘。發為快心之論。因以一生心得。為之註釋。或集古人名言。或參引經旨。以互證條釋之。皆足與喻氏諸案相發明。使讀者綜觀原委。得所折衷云。

錄目案醫言嘉喻

傷寒	一	肺癰	四
溫病	九	痰飲	六
瘡疾	三	痞塊	七
痢疾	三	膈症	七
瀉利	三	腫脹	四
腸癖	四	痿痺癱瘓	四
寒熱	四	疝症	三
偏中	四	瘰癧	五
虛脫	四	驚痰	九
虛風	五	奇症	三
耳鳴	三	血蠱	四
下血	六	眩暈	五
失血	七	酒積	六

喻嘉言醫案



武進徐衡之編纂
嘉定姚若琴

肝南謝甘澍注釋

太醫院黃杏村評點

傷寒

黃某犯房勞病傷寒。守不服藥之戒。身熱已退。十餘日外。渾身戰慄。手足如冰。急請余至。一醫已合就薑附之藥矣。余見而駭之。姑就診畢。再三闢其差謬。主家自疑陰症。言之不入。又不可以理服。只得與醫者約曰。此一病藥入口中。出生入死。吾與丈各立擔承。倘至用藥差誤。責有所歸。醫者云。吾治傷寒卅餘年。不知甚麼擔承。余笑曰。吾有明眼在此。不忍見人活活就斃。吾不得已也。如不擔承。待吾用藥。主家方纔心安。亟請用藥。余以調胃承氣湯。約重五錢。煎成。熱服半盞。少頃。又熱服半盞。按一劑分爲兩服。以逆中便有斟酌。况乘熱以逆中亦便其醫見漸漸退。人厥甦。知藥不誤。辭去。仍與前藥服至

本內經治熱以寒
溫而行之義

劑終。人事大清。忽然渾身壯熱。

明按此忽然渾身壯熱。乃熱出厥間。足爲明驗。仲景所謂熱深。厥亦深。厥微。亦爲

微者是也。卽

再與大柴胡一劑。熱退身安。門人問曰。病者自云係陰症見厥。先

生確認爲陽症。其理安在。曰。凡傷寒病初起。發熱。煎熬津液。鼻乾。口渴。便秘。漸至發厥者。不問亦知其爲熱也。若陽症忽變陰厥。萬中無一。從古至今無一也。蓋陰厥得之陰症。一起便直中陰。經唇青。面白。徧體冷汗。便利不渴。身倦多睡。醒則人事了了。與傷寒傳經之熱邪。轉入轉深。人事昏惑者。萬萬不同。按此又備述陰陽厥源。按諸書類載陰陽二厥爲一門。卽明者猶

爲所混。况昧者乎。如此病先犯房室。後成傷寒。世醫無不爲陰症所惑。往往投以四逆等湯。促其暴亡。而諉之陰極莫救。致冤鬼夜嚎。尙不知悟。總由學術傳派不清耳。蓋犯房勞而病感者。其勢不過比常較重如發。熱則熱之極。惡寒則惡寒之極。頭痛則痛之極。所以然者。以陰虛而陽往乘之。非陰盛無陽之比。况病者始能勿藥。陰邪必輕。旬日漸發。尤非暴症。安得以陰厥之例。

爲治耶。

按此又詳述由內傷得外感。病情如畫。臨症尤宜參考。

且仲景明言始發熱六日。厥反三日。

後復發熱三日。與厥相應。則病當自愈。又曰。厥五日。熱亦五日。設六日當復

厥。不厥者亦自愈。明明以熱之日數。定厥之痊期也。又曰。厥多熱少則病進。

熱多厥少則病退。

按此又引經據典。法傳。臨症都宜融會。

凡此之類。無非熱深厥深之

旨。原非論及於陰厥也。至於陽分之病。而妄汗妄吐妄下。以致勢極。如汗多

亡陽。吐利煩躁。四肢逆冷者。皆因用藥差誤所致。非以四逆眞武等湯救之。

則陽不能回。亦原不爲陰症立方也。

按亦原不爲陰症立方之說。即以前四逆眞武等湯。非爲陰症而設。祇

爲救逆而設也。

蓋傷寒纔一發熱發渴。定然陰分先虧。以其誤治陽分。比陰分更

虧。不得已從權用辛熱先救其陽。與純陰無陽陰盛隔陽之症。相去天淵。後

人不識製方之意。見有成法。傳相效尤。不知治陰症以救陽爲主。治傷寒以

救陰爲主。

按此二句實爲鐵板註脚。

傷寒縱有陽虛當治。必看其人血氣充盛。陰分可受

陽藥者。方可回陽。若面黧舌黑。身如枯柴。一團邪火內燔者。則陰已先盡。何

陽可回耶。故見厥除。熱存津液。元氣於什一已失之晚。况敢助陽劫陰乎。證治方云。若症未辨陰陽。且與四順丸試之。直指方云。未辨疑似。且與理中湯試之。亦可見從前未透此關。縱有深心。無可奈何耳。因爲子詳辯。并以告後之業醫者。庶可少殺一人也。

徐生傷寒六七日。身熱目赤。索水到前。復置不飲。

可按索水不飲。可知索內無真熱。

異常

大躁。將門牖洞啓。身臥地上。展轉不快。更求入井。一醫洵洵急以承氣與服。

余診其脈。洪大無倫。重按無力。謂曰。此用人參附子乾薑之症。奈何認爲下

症耶。醫曰。身熱目赤。有餘之邪。躁急若此。再以參附投之。則踰牆上屋矣。余

曰。陽欲暴脫。外顯假熱。內有真寒。以薑附投之。尙恐不勝回陽之任。况敢以

純陰重劫其陽乎。觀其得水不欲嚥。情已大露。豈水尙不欲嚥。而反可嚥大

黃芒硝乎。天氣燠蒸。必有大雨。此症頃刻一身大汗。不可救矣。且旣認大熱

爲陽症。則下之必成結胸。更可慮也。惟用薑附。所謂補中有散。并可以散邪。

退熱。吾在此久坐。如有差誤。吾任其咎。於是以薑附參甘之劑煎成。冷服。用按

熱藥冷服也、固本內經反治之法、治寒以熱藥攻之、必相拒不納、亦因其

胃內中寒甚格熱、宜用熱藥冷服、同氣相求之理、思過半矣、調服後寒

戰戛齒有聲。以重被和頭覆之。縮手不肯與診。陽微之狀始著。再與前藥。微汗熱退而安。

按以上治驗二症。一則陰症似陽。一則陽症似陰。二者症有霄壤之殊。治有天淵之別。特爲揭出。并冠集首。以爲臨證開手準繩。益病機傳變。靡不由傷寒來也。業斯道者。倘能從此進取。觸類旁通。自有左右逢源之妙。

錢某患時氣外感三五日。發熱頭疼。服表汗藥。疼止。熱不清。口乾。唇裂。因而下之。遍身紅斑。神昏譫語。食飲不入。大便復閉。小便熱赤。脈見緊小而急。按脈來緊小急數俱似熱象內鬱謂曰。此症全因誤治所致。陽明胃經表裏不清。邪熱在內。如火燎原。津液內涸。以致神昏譫語。若斑轉紫黑。則不可救矣。按按凡屬斑疹